




KATEKISEMA

E e ka lirisioañ mo
Kerekeñ ea Tikologo ea Afrika-Boroa,
goñoe le goñoe koa e lumeleloañ
ke Bishopo gone



KATEKISEMA

**E e ka lirisioañ mo
Kerekeñ ea Tikologo ea Afrika-Boroa,
goñoe le goñoe koa e lumeleloañ
ke Bishopo gone.**

C.P.S.A./S.P.C.K.

Johannesburg

1972

Reprinted 1972

Copyright, the Publishing Department
of the Church of the Province of
South Africa, State Buildings,
45, Kruis Street, Johannesburg, 1972.

Setswana: Provincial Catechism

UTOPIA

KATEKISEMA

*Ba ba baptisicoeñ mo bonyaneñ ba choanetse gore ba
ithute Katekisema eotlhe.*

KGAOLO EA NTLHA

KAGA BAUTLOI

MOLIMO

1. O liriloe ke mañ?

Ke liriloe ke Molimo.

2. Molimo o go lirile ka ntlha eañ?

Molimo o ntirile gore ke o itse mono lefatshiñ, ke
o rate, ke o lirele ; le gore ke tle ke nnele rure nao
koa legolimoñ.

3. Molimo emañ?

Molimo ke Mooa o o senañ tekanyo, o o sa bonaleñ
o eleñ Moliri oa lilo cotlhe.

4. A go na le Molimo o le moñoe-fela?

Go na le Molimo o le moñoe-fela.

5. Molimo o kae?

Molimo o mo lipakeñ cotlhe.

6. A Molimo o nnetse rure?

Molimo o nnetse rure. Ga o ese o ke o ne le tshimologo, 'me ga o nka o ba o na le bokhutlo.

7. A Molimo o bona lilo cotlhe, a oa li itse?

Molimo o bona lilo cotlhe, oa li itse, le eleñ mego-polo ea rona.

8. A Molimo ke Mothati-eotlhe?

Molimo ke Mothati-eotlhe. O tshegetsa lilo cotlhe ka thata ea one, 'me le gone oa li busa.

9. A Molimo o boitshepho?

Molimo o boitshepho ka mokgoa o o lekanetseñ.

10. A Molimo o molemo?

Molimo o molemo ka mokgoa o o lekanetseñ.
Molimo ke Lorato

11. A Molimo oa go rata?

Molimo o nthata ka lorato lo lo nnetseñ rure.

12. A go na le Boraro mo Molimoñ?

Go na le Boraro mo Molimoñ.

13. Boraro mo Molimoñ e bomañ?

Boraro mo Molimoñ ke Molimo Rara le Molimo Moroa le Molimo Mooa o o Boitshepho.

14. A Molimo Rara le Molimo Moroa le Molimo Mooa o o Boitshepho ke melimo e meraro?

Molimo Rara le Molimo Moroa le Molimo Mooa o o Boitshepho ga se melimo e meraro; ke Molimo o le moñoe-fela.

15. O ka itse Molimo yañ?

Nka itse Molimo ka go ithuta kaga one le ka go o obamela.

16. Go obamela Molimo ke go reñ?

Go obamela Molimo ke go re, ke o ineele, ke o bake, ke o lirele, le gore ke o rate.

17. Bakreste ba simolola go rapela ka mafoko afe?

Bakreste ba simolola go rapela ka go re, "Mo Ineñ ya Rara le ya Moroa le ya Mooa o o Boitshepho."

18. Nkutloisa Thapelo ea Morena oa rona.

Rara oa rona eo o koa legolimoñ, Leina ya gago a le itshephisioe, Pusho ea gago a e tle, Go rata ga gago a go liroe, Mo lefatshiñ yaka koa legolimoñ. Re fe gompinyeno bogobe ya rona ya malatsi. 'Me o re ichoarele melato ea rona, Yaka le rona re ichoarella ba ba melato le rona. O se re gogele mo thaeloñ; 'Me o re golole mo boshuleñ.

Gonne sa gago e le pusho, Le thata, le kgalalelo, Ka go sena bokhutlo. Amen.

19. Nkutloisa "Kgalalelo e nne go Rara."

Kgalalelo e nne go Rara le go Moroa: le mo Mooeñ o o Boitshepho; Yaka e ne e le mo tshimologoñ, le yana, 'me e tla nna ka metlha: le ka go sena bokhutlo. Amen.

BAEÑGELE

20. Baeñgele ke eñ?

Baeñgele ke meoa e e liriloen ke Molimo gore e o obamele koa legolimoñ, le go o lirela mo lefatshiñ.

21. Baeñgele ba ba molemo ba lirelañ batho?

Baeñgele ba ba molemo ba sireletsa batho mo lipoitshegoñ le mo lithaeloñ, 'me ba lisa bana.

22. A Baeñgele botlhe ba molemo?

Baeñgele botlhe ba ne ba liroa ke Molimo ba le molemo, 'me baño e ba o rukuthela, ba ba ba fetoga baba ba one.

23. Baeñgele ba ba boshula ba bilioa eñ?

Baeñgele ba ba boshula ba bilioa batemona.

24. Kgosi ea batemona emañ?

Kgosi ea batemona ke Satane, eo o bilioañ tiabolo.

25. A batemona ba na le thata ea go utloisa bakreste botlhoko?

Batemona ga ba na thata ea go utloisa bakreste botlhoko fa ba ikanya mo Molimoñ, 'me ba biletsa mo Leineñ ya Morena oa rona Yesu Kreste.

26. A bakreste ba ba boikanyo ba ka fenya meoa e meñoe e e boshula?

Bakreste ba ba boikanyo ba ka fenya meoa e meñoe e e boshula.

GO ITLHOPHELA LE SEBE

27. O choana le lipholofolo yañ?

Ke choana le lipholofolo, gonne ke na le mmele o o tla shoañ.

28. O fapanye le lipholofolo yañ?

Ke fapanye le lipholofolo, gonne ke na le mooa o o sa shoñ, o o itseñ go tlhopha molemo kgotsa boshula.

29. Kico ea molemo le boshula e neiloe libo-pioa life ke Molimo?

Kico ea molemo le boshula e neiloe Baeñgele le batho fela ke Molimo, eseñ lipholofolo.

30. A oena o na le nonofo ea go itlhophela Molimo kgotsa go o gana?

Ke na le nonofo ea go itlhophela Molimo kgotsa go o gana.

31. Molimo o go neile nonofo ea go o gana ka ntlha eañ?

Molimo o nneile nonofo ea go o gana, fa ke rata, gore ke tle ke o rate ka bo-ga-me, eseñ ka pateleco.

32. O choanetse go ithophela Molimo ka ntlha eañ?

Ke choanetse go ithophela Molimo ka gonne o le molemo, 'me eseñ ka go boifa koatlhao.

33. Sebe ke eñ?

Sebe ke go tlola go rata ga Molimo ka boomo.

34. Re leofa yañ?

Re leofa ka go gopola se se tlabanañ le go rata ga Molimo, kgotsa ka go se bua, kgotsa ka go se lira ; le gone, ka go bisa go lira se se laoloañ ke Molimo.

35. Re leofa ka ntlha eañ?

Re leofa ka gonne re rata go ikgatlha ka rosi bogolo go go ikgatlha Molimo.

36. Re ratelañ go ikgatlha ka rosi le go bisa go kgatlha Molimo?

Re ratela go ikgatlha ka rosi le go bisa go kgatlha Molimo ka gonne re tsecoe ka popego e e sekametseñ sebe, le ka gonne re raeloa ke Satane le batemona ba gagoe.

37. Nkutloisa Litaolo tse li shome.

1. O se ne le medimo epe e sele faese nna.

2. O se itirele seseto sepe, kgotsa sechoancho sa tse li koa golimo legolimoñ, kgotsa satse li fa tlase lefatshiñ, kgotsa sa tse li mo metseñ koa tlase ga lefatshe. O se li ikobele, le gone o se li obamele.

3. O se tseele Leina ya Morena Molimo oa gago lefela.

4. Gakologeloa tsatsi ya Sabata go le itshephisa. Lira ka malatsi a le marataro, o shoetse tiro ea gago eotlhe; 'me tsatsi ya boshupa ke Sabata ea Morena Molimo oa gago.

5. Tlotla rrago le mmago.

6. O se ka oa bolaea motho.

7. O se ka oa batela.

8. O se ka oa ucoa.

9. O se shupele moñoe ka oena ka maaka.

10. O se eletse sepe sa moñoe ka oena ka bopelo-tshetlha.

BAKATEKUMENA

38. Mokatekumena ke eñ?

Mokatekumena ke motho eo o ipaakanyetsañ Baptisho e e boitshepho.

39. Mokatekumena o choanetse go ipaakanyetsa Baptisho yañ?

Mokatekumena o choanetse go ipaakanyetsa Baptisho ka go rapela ka mosho le mait sibooa, le ka go nna teñ ka metlha mo phuthegoaneñ, le mo litireloñ tsa Kereke.

40. Se bogolo Mokatekumena o choanetseñ go se rapelela mo Molimoñ ke eñ?

Se bogolo Mokatekumena o choanetseñ go se rapelela mo Molimoñ ke ikoatlhao le tumelo.

41. Mokatekumena o choanetse go tlogela eñ?

Mokatekumena o choanetse go tlogela mekgoa e e boshula le libe.

42. Mokatekumena o choanetse go lira tiro ea gagoe ea malatsi yañ?

Mokatekumena o choanetse go lira tiro ea gagoe ea malatsi sentle yaka motlhañka oa Molimo.

43. A o choanetse go kgaogana le mekgoa eotlhe ea seshaba sagaeno?

Ga kea choanela go kgaogana le mekgoa eotlhe ea seshaba sagaecho, faese fela eeo e e kgatlhanoñ le go rata ga Molimo.

KGOLAGANO EA BAPTISHO

44. Mokreste ke eñ?

Mokreste ke motho eo o lumelañ mo go Yesu Krete, le gone a baptisicoe.

45. Oena o liroañ mo Baptishoñ?

Mo Baptishoñ ke liroa tokololo ea ga Krete, le ñoana oa Molimo, le moya-boshoa ya bogosi ya legolimo.

46. Mo Baptishoñ e e boitshepho, o sheoa leina lefe?

Mo Baptishoñ e e boitshepho, ke sheoa leina ya me ya bokreste.

47. Mokreste ntlhañ go o baptisioañ o ikana maikano a le kae?

Mokreste ntlhañ go o baptisioañ o ikana maikano a le mararo.

48. Maikano a mararo a Baptisho ke afe?

Maikano a mararo a Baptisho ke *go itatola* tse li mashoe, le *go lumela* boamarure, le *go lira* tse li siameñ.

KGALO EA BOBELI

KAGA BAKATEKUMENA

GO ITATOLA

49. Baba ba bagolo ba o ba itatolañ mo Baptishoñ ke bafe?

Baba ba bagolo ba ke ba itatolañ mo Baptishoñ ke lefatshe le nama le tiabolo.

50. Go itatola lefatshe ke go reñ?

Go itatola lefatshe ke go itatola batho bao le lilo tseo tse li mphaposañ mo Molimoñ.

51. Go itatola nama ke go reñ?

Go itatola nama ke go gana likeleco tse li mashoe tsa mmele oa me.

52. Go itatola tiabolo ke go reñ?

Go itatola tiabolo ke go gana lithaelo tsa ga Satane le tsa meoa e e boshula e eleñ baba ba Molimo.

53. Re ka tllhabana kgatlhanoñ le lefatshe le nama le tiabolo ka nonofo efe?

Re ka tllhabana kgatlhanoñ le lefatshe le nama le tiabolo ka nonofo e re e neoañ ke Molimo, re le mo go Kreste.

TUMELO

54. Tumelo ke eñ?

Tumelo ke neo eeo ea Molimo e re lumelañ mo go one ka cone, le mo liloñ cotlhe tse o li senotseñ.

55. Tse Molimo o li senotseñ re li itse yañ?

Tse Molimo o li senotseñ re li itse ka thuto ea Kereke e e Boitshepho e e Katoleki.

56. Eo o neileñ Kereke thata ea go ruta emañ?

Ke Morena oa rona Yesu Krete eo o neileñ Kereke thata ea go ruta (Matheo M. 28, 19).

57. Bibe e e boitshepho ke eñ?

Bibe e e boitshepho ke Likoalo tsa Kereke tse li koaliloeñ se Molimo o se senoletseñ batho kaga one.

58. Lilo tse li kgolo tsa boamarure yo bo rutoañ ke Kereke li kokoancoe kae ?

Lilo tse li kgolo tsa boamarure yo bo rutoañ ke Kereke li kokoancoe mo Ipoleloñ ea Tumelo ea Baapostole.

59. Bolela Ipolelo ea Tumelo ea Baapostole.

Kea lumela mo Molimoñ Rara Mothati-eotlhe, Moliri oa legolimo le lefatshe :

Le mo go Yesu Krete Moroaoe-esi Morena oa rona, Eo o ithoeloeñ ka Mooa o o Boitshepho, Eo o tsecoeñ ke Maria oa Kgarebane, Eo o bogileñ mo tlase ga Ponti Pilatoe, Eo o bapocoeñ mo sefapanoñ, Eo o shuleñ, le eo o fitlhiloñ, O fologetse mo bobipoñ ; Ka tsatsi ya boraro o rulile gape mo bashoiñ, O tthatlogetse koa legolimoñ, 'Me o ntse fa atleñ se se siameñ sa Molimo Rara Mothati-eotlhe ; Fa o tla coañ gone go athola batsheli le bashoi.

Kea lumela mo Mooeñ o o Boitshepho ; Kereke e e Boitshepho e e Katoleki ; Tloaelano ea Baitshephi ; Boichoarelo ya libe ; Go Rula ga mmele ; Le Botshelo yo ho senañ bokhutlo. Amen.

GO ITSEELA BOTHO

60. Morena oa rona Yesu Kreste emañ?

Morena oa rona Yesu Kreste ke Molimo Moroa eo o re lirecoeñ motho.

61. Morena oa rona Yesu Kreste o go liretseñ?

Morena oa rona Yesu Kreste o nthekolotse mo bochoaroñ ya sebe.

62. A Yesu Kreste o rekolotse batho botlhe?

Yesu Kreste o rekolotse batho botlhe.

63. Leina ye le boitshepho ya "Yesu" le kaeañ?

Leina ye le boitshepho ya "Yesu" le kaea "Mmo-
!oki."

64. Leina ya "Krester" le kaeañ?

Leina ya "Krester" le kaea "Motloliao."

65. Yesu o bilioa Kreste kgotsa Motlolioa ka ntlha eañ?

Yesu o bilioa Kreste kgotsa Motlolioa, ka gonne o na a tloioa ke Molimo Mooa o o Boitshepho gore a nne Moprofeta le Moprsta le Kgosi ea legolimo le lefatshe.

66. A Yesu Kreste ke Molimo oa nnete le motho oa nnete?

Yesu Kreste ke Molimo oa nnete le motho oa nnete.

67. A Yesu Kreste e sale e ntse e le Molimo?

Yesu Kreste e sale e ntse e le Molimo ; “o tsecoe ke Rragoe pele ga metlha eotlhe.” Ene ke oa bobeli mo Boraruñ yo bo leñ Molimo.

68. A Yesu Kreste e sale e ntse e le motho?

Yesu Kreste e ntse e se motho ka gale. O na a liroa motho.

69. A Yesu Kreste o tla nnela rure Molimo le motho?

Yesu Kreste o tla nnela rure Molimo le motho.

70. Molimo Moroa o na a liroa motho ka ntlha eañ?

Molimo Moroa o na a liroa motho :

1. Go re senolela Molimo ka sebele.
2. Go re senolela popego ea sebele ea motho.
3. Go re golola mo libeñ tsa rona ka go re kopanya le Molimo.

71. A Molimo Moroa o na a itseela mmele le mooa fela yaka tsa rona?

Molimo Moroa o na a itseela mmele le mooa fela yaka tsa rona.

BOTSALO YA MORENA OA RONA

72. Molimo Moroa o na a liroa motho yañ?

Molimo Moroa o na a liroa motho ka go tsaloe ke Maria oa Kgarebane eo o tshego, ka nonofo ea Molimo Mooa o o Boitshepho.

73. A Yesu Kreste eo eleñ Molimo Moroa, o na a na le rragoe eo eleñ motho?

Yesu Kreste eo eleñ Molimo Moroa, o na a sena rragoe eo eleñ motho.

74. Yosefa oa Moitshephi e ne e le mañ he?

Yosefa oa Moitshephi e ne e le motlameli oa ga Maria le ñoana Yesu.

75. A go siame go bitsa Maria oa Kgarebane eo o tshego, Mma-Molimo?

Go siame go bitsa Maria oa Kgarebane eo o tshego, Mma-Molimo, gonne moroaoe ke Molimo go coa bosasimologeñ.

76. A re choanetse go tlotla Maria?

Re choanetse go tlotla Maria go feta libopioa cotlhe.

77. Yesu Krete o na a tsaloa ka tsatsi lefe?

Yesu Krete o na a tsaloa ka tsatsi ye yanoñ le bilioañ Krestemas.

78. Yesu Krete o na a tshela ñoaga li le kae mono lefatshiñ?

Yesu Krete o na a tshela ñoaga li le mashome a mararo a a meco meraro mono lefatshiñ.

79. Yesu Kreste o na a tsaleloa mo boemoñ bofe ya botshelo?

Yesu Kreste o na a tsaleloa mo boemoñ ya khumane go le ya boikokobeco.

80. Yesu Kreste o na a tsaleloa kae?

Yesu Kreste o na a tsaleloa mo tluñ ea ligkomo koa Bethlehemana mo lefatshiñ ya Yutea.

BOTSHELO YA MORENA OA RONA LE LOSHO LOA GAGOE

81. Yesu Kreste o na a tshela mo lefatshiñ ka botshelo yo bo ntseñ yañ?

Yesu Kreste o na a tshela mo lefatshiñ ka botshelo ya go lira le ya go rapela le ya go itumelela lipogisho, a lira go rata ga Rara yalo.

82. Litiro tse likgolo tsa ga Yesu Kreste e ne e le life?

Litiro tse likgolo tsa ga Yesu Kreste e ne e le go bolela Bogosi ya Molimo le go ichoarella baleofi le go folisa baboboli.

83. Yesu Kreste o na a ganoa ke batho loa bofelo ka ntlha eañ?

Yesu Kreste o na a ganoa ke batho loa bofelo, ka gone ba ne ba ikgogomosa, le gone ba ne ba gana go ikoatlhaea.

84. Batho ba ne ba shupa lethoo ya bone mo go Yesu yañ?

Batho ba ne ba shupa lethoo ya bone mo go Yesu ka go mo shotla le ka go mo kgoela mathe le ka go mo seola le ka go mo roesa seroalo sa mmitloa.

85. Batho ba ne ba bolaea Yesu yañ?

Batho ba ne ba bolaela Yesu mo sefapanoñ. O na a bapoloa fa gare ga linokoane li le peli.

86. Morena oa rona Yesu Kreste o na a bapoloa ka tsatsi lefe?

Morena oa rona Yesu Kreste o na a bapoloa ka tsatsi ye yanoñ le bilioañ Loabotlhano eo o Molemo.

87. Morena oa rona Yesu Kreste o na a ineela mo pogishoñ le mo loshuñ ka ntlha eañ?

Morena oa rona Yesu Kreste o na a ineela mo pogishoñ le mo loshuñ ka ntlha ea rona; gore a senole lorato loa Rara, le gore a re golole mo mola-

tuñ oa sebe le mo thateñ ęa shone, le gore a nne setlhabelo kaga sebe.

88. Losho ke ęñ?

Losho ke kgaogano ea mooa le mmele.

89. A erile Morena oa rona a shoa mmele oa gagoe oa bola?

Erile Morena oa rona a shoa mmele oa gagoe o se ka oa bola.

90. "O fologetse mo bobipoñ," ke go reñ?

"O fologetse mo bobipoñ," ke go re : Erile Yesu a sena go shoa, mooa oa gagoe oa ea koa feloñ ga meoa e e tsamaileñ.

MMOLOKI EO O RULILEN

91. Morena oa rona Yesu Kreste o na a rula leñ mo bashoiñ?

Morena oa rona Yesu Kreste o na a rula mo bashoiñ ka tsatsi ya boraro morago ga losho loa gagoe, eleñ yeo ye yanoñ le bilioañ Paseka.

92. Morago ga Morena oa rona a sena go rula mo bashoiñ, a ipontsha mo lefatshiñ sebaka se se kae?

Morago ga Morena oa rona a sena go rula mo bashoiñ, a ipontsha mo lefatshiñ ka malatsi a mashome a mane.

93. Ka malatsi a a mashome a mane a Mmoloki eo o rulileñ o na a lirañ?

Ka malatsi a a mashome a mane a Mmoloki eo o rulileñ o na a ruta Baapostole ba gagoe lilo kaga Bogosi ya Molimo.

94. Morena oa rona o na a tlhatlogela koa legolimoñ ka tsatsi lefe?

Morena oa rona o na a tlhatlogela koa legolimoñ ka tsatsi ye yanoñ le bilioañ Tlhatlogo.

95. "O ntse fa atleñ se se siameñ sa Molimo Rara," ke go reñ?

"O ntse fa atleñ se se siameñ sa Molimo Rara," ke go re : Yesu o busa e le Kgosi, le gone o re kokotlelela e le Moprsta oecho eo o mogolo-golo.

96. Morena oa rona o tla ba a tla gape leñ?
Morena oa rona o tla ba a tla gape ka bokhutlo ya lefatshe go athhola batsheli le bashoi.

97. Mo katlholañ ea batsheli le bashoi, Morena oa rona o tla sekisañ?

Mo katlholañ ea batsheli le bashoi, Morena oa rona o tla sekisa megopolo ea rona le lipuo le litiro, le gone tse re ne re choanetse go li lira, 'me ra li tlogela.

98. Morena oa rona o tla raea balotsana, a reñ?
Morena oa rona o tla raea balotsana, a re : "Ntlogelañ, lona ba lo hutsegileñ, lo ee koa moleloñ o o senañ go tima, o o baakanyelicoeñ tiabolo le baeñgele ba gagoe" (Matheo M. 25, 41).

99. Morena oa rona o tla raea ba ba molemo, a reñ?

Morena oa rona o tla raea ba ba molemo, a re : "Ntloñ, ba lo tshego ba ga Rare, ruañ bogosi yo lo bo baakanyelicoeñ" (Matheo M. 25, 34).

MOOA O O BOITSHEPHO

100. Mooa o o Boitshepho emañ?

Mooa o o Boitshepho ke Molimo oa nnete. One

ke oa boraro mo Boraruñ yo eleñ Molimo, 'me le gone o kana ka Rara le Moroa.

101. Tiro ea Molimo Mooa o o Boitshepho mo go rona ke eñ?

Tiro ea Molimo Mooa o o Boitshepho mo go rona ke go re ruta le go re tshelisa le go re itshephisa.

102. Molimo Mooa o o Boitshepho o re itshephisa yañ?

Molimo Mooa o o Boitshepho o re itshephisa ka go re kopanya le Morena oa rona mo Kerekeñ.

103. Molimo Mooa o o Boitshepho o no oa tla leñ mo Kerekeñ?

Molimo Mooa o o Boitshepho o no oa tla mo Kerekeñ ka moliro oa Pentekosta, morago ga Tlhatlogo ea Morena oa rona.

KEREKE E E BOITSHEPHO E E KATOLEKI

104. Kereke e e Boitshepho e e Katoleki ke eñ?

Kereke e e Boitshepho e e Katoleki ke kopano ea balumeli botlhe, batsheli le bashoi, mo tlase ga Morena a le moñoe-fela.

105. Tlhogo ea Kereke emañ?

Morena oa rona Yesu Krete ke tlhogo ea Kereke, e eleñ Mmele oa gagoe.

106. A Krete oa bo a ntse a le gone mo Kerekeñ ea gagoe mo lefatshiñ?

Krete oa bo a ntse a le gone mo Kerekeñ ea gagoe mo lefatshiñ (Matheo M. 28, 20).

107. Lichoao tsa Kereke ke life?

Lichoao tsa Kereke ke tse: Kereke Ñoe-fela; e Boitshepho; e Katoleki; le gone ke ea Boapostole.

108. Kereke Ñoe-fela yañ?

Kereke Ñoe-fela ka gonne litokololo tsa cone ke batho ba le bañoe ba Molimo. Li abalana le botshelo yo boñoe-fela ya ga Yesu Krete, 'me li tshegetsa tumelo e ñoe-fela e e senocoeñ ke ene.

109. Kereke e Boitshepho yang?

Kereke e Boitshepho ka gonne Yesu Krete a le boitshepho, 'me ka thata ea Mooa o o Boitshepho o thatafatsa batho ba gagoe gore e nne ba ba boitshepho.

110. Kereke e Katoleki yañ?

Kereke e Katoleki ka gonne lichaba cotlhe li bile-
lioa mo go eone, 'me e tla nna e nna gone go isa
metlheñ eotlhe, 'me Mooa o o Boitshepho o e gogela
mo boamaruriñ yotlhe.

111. Kereke ke ea Boapostole yañ?

Kereke ke ea Boapostole ka gonne e nnela rure mo
thutoñ ea Baapostole le mo tloaelanoñ ea bone, le
gone e busioa ke bobishopo ba ba beiloenñ mo fularoñ
sa Baapostole.

112. Re eletsa go lere lichaba cotlhe mo Kere- keñ e e Katoleki ka ntlha eañ?

Re eletsa go lere lichaba cotlhe mo Kerekeñ e e
Katoleki ka gonne e le go rata ga Molimo gore
batho botlhe ba tle ba o itse ba bolokege (Matheo M.
28, 19).

113. Taolo ea Morena oa rona e e reñ lichaba cotlhe li liroe barutoa, re choanetse go e lira- gatsa yañ?

Taolo ea Morena oa rona re choanetse go e lira-
gatsa ka go lere ba bañoe mo go ene, le ka go rapela
ka metlha, le ka go ntsha likaco ka gale.

TLOAELANO EA BAITSHEPHI

114. Tloaelano ea Baitshepi ke eñ?

Tloaelano ea Baitshepi ke kopano e e lorato ea litokololo tsa ga Kreste, tse li tshelileñ le tse li tsamaileñ, mo Kerekeñ ea gagoe.

115. Choanelo ea rona mo go ba ba tsamaileñ ka tumelo ke eñ?

Choanelo ea rona mo go ba ba tsamaileñ ka tumelo ke go ba rapelela, bogolo mo Eukaristeñ e e Boitshepho.

116. Re shupa tloaelano ea rona le Baitshepi ba ba leñ mo go Kreste yañ?

Re shupa tloaelano ea rona le Baitshepi ba ba leñ mo go Kreste ka go ba gopola ka tlotlo le ka go latela kaelo tsa bone le ka go lopa merapelo ea bone.

117. A mokreste o ka lira le meoa ea ba ba tsamaileñ ka mekgoa ea sehaetane le e eseñ ea bokreste?

Mokreste a se ka a lira le meoa ea ba ba tsamaileñ ka mekgoa ea sehaetane le e eseñ ea bokreste. Litiro tse li ntseñ yalo ke sebe, ebile lia boitshega.

BOICHOARELO YA LIBE

118. Sebe ke eñ?

Sebe ke go bisa go utloa Molimo.

119. Mañ eo o nonofileñ fela go ichoarella libe?

Molimo osi o nonofile go ichoarella libe.

120. Sebe se ichoarelloa yañ?

Sebe se ichoarelloa ka sethabelo sa Morena oa rona Yesu Kreste.

121. Re bona boichoarello yañ?

Re bona boichoarello ka go lumela mo go Yesu Kreste, le go ikoatluaea ka nnete.

122. Ereka re sholofela boichoarello ya Molimo, re choanetse go lirelañ ba baño?

Ereka re sholofela boichoarello ya Molimo, re choanetse go ichoarella ba baño.

GO RULA GA MMELE LE BOTSHELO YO BO SENAN BOKHUTLO

123. Go rula ga Mmele, ke go reñ?

Go rula ga Mmele, ke go re, Mmele o tla ba o tshelisiao gape o kopanye le moa.

124. Re tla rula ka mmele o o ntseñ yañ?

Re tla rula, eseñ ka mmele o mogolo-golo o o bolañ, 'me eleñ ka mmele o'ò galalelicoeñ o o choanelañ botshelo yo bosha ka boitekanelo.

125. Botshelo yo bo senañ bokhutlo ke eñ?

Botshelo yo bo senañ bokhutlo ke go itumelela rure mo kicoñ ea Molimo le mo loratoñ loa one.

126. Botlhoko ya Molete oa Molelo ke eñ?

Botlhoko ya Molete oa Molelo ke go lelekoa fa pele ga Molimo.

CHOANELO EA ME MO MOLIMOÑ

127. Lorato ke eñ?

Lorato ke neo ea Molimo e re ratañ Molimo go feta lilo cotlhe ka eone, le bañoe ka rona yaka re ithata.

128. Choanelo ea gago mo Molimoñ ke eñ?

Choanelo ea me mo Molimoñ ke go lumela mo go one le go o boifa le go o rata, ka pelo ea me eotlhe le ka mooa oa me otlhe le ka megopolo ea me eotlhe le ka thata ea me eotlhe. E ke eone taolo ea ntlha e kgolo ea Molimo (Mareko M. 12, 30).

129. Taolo ea ntlha e kgolo ea Molimo e go ruta eñ?

Taolo ea ntlha e kgolo ea Molimo e nthuta go o obamela le go ikanya mo go one le go o lirela.

130. Kereke e re ruta gore re choanetse go obamela Molimo yañ?

Kereke e re ruta gore re choanetse go obamela Molimo ka go o rapela mo sephiriñ ka metlha eotlhe le ka go nna teñ mo merapeloñ ea pontsheñ, bogolo mo Eukaristeñ e e Boitshepho.

131. Tsatsi ye legolo ya merapelo ea bokreste ke lefe?

Tsatsi ye legolo ya merapelo ea bókreste ke tsatsi ya Morena.

132. Tsatsi ya Morena ke lefe?

Tsatsi ya Morena ke Shontaga gonne ka tsatsi yeo Yesu Kreste o rulile mo bashoiñ.

133. Re tshegeletsañ tsatsi ya Morena?

Re tshegeletsa tsatsi ya Morena go obamela Molimo le go nchafatsa megopolo eá rona le mebele.

134. A ke sebe go kgaogana le kobamelo le tloaelano ea Kereke e e Katoleki?

Ke sebe se segolo go kgaogana le kobamelo le tloaelano ea Kereke e e Katoleki, e eleñ ba ntlo ea Molimo.

135. Sebe sa boloi ke eñ?

Sebe sa boloi ke maano mañoe le mañoe a go utloisa batho botlhoko ka lithata tse li sa bonaleñ tsa lefifi.

136. Mokreste o ka gololoa yañ mo boloiñ le mo lithateñ cotlhe tsa lefifi?

Mokreste o ka gololoa mo boloiñ le mo lithateñ cotlhe tsa lefifi ka go ikanya mo Molimoñ le ka go biletsa mo Leineñ ya ga Yesu eo o romelañ Baeñgele go re femela.

137. A ke sebe fa mokreste a batla thusho ea boñaka ya sehaetane?

Ke sebe fa mokreste a batla thusho ea boñaka ya sehaetane, gonne fa a lira yalo, ke go re, o latlhile Molimo, 'me o ikantse mo thateñ ea lefifi.

138. A bakreste ba letlelecoe go ikalafa ka melemo le litlhatshana tsa naga?

Bakreste ba letlelecoe go ikalafa ka melemo le litlhatshana tsa naga, fa li sa lire sepe le mekgoa ea sheaetane.

139. Batho ba tlotlolola Leina ye le Boitshepho ya Molimo yañ?

Batho ba tlotlolola Leina ye le Boitshepho ya Molimo ka go bisa go bua kaga one le kaga lilo tse li boitshepho ka tshisimogo; le gone ka go ikanela lefela le ka go tthapalika.

140. O ka tlotla Molimo rure yañ?

Nka tlotla Molimo rure ka go o lirela mo liloñ cotlhe, fela yaka fa nkabo ke le fa pele ga one.

CHOANELO EA ME MO GO MOÑOE KA NNA

141. Choanelo ea gago mo go moñoe ka oena ke eñ?

Choanelo ea me mo go moñoe ka nna ke go mo rata yaka ke ithata le go lirela batho botlhe yaka ke rata ba ka ntirela. E ke eone taolo ea bobeli e kgolo ea Molimo (Mareko M. 12, 31).

142. Choanelo ea batsali ba bakreste mo baneñ ba bone ke eñ?

Choanelo ea batsali ba bakreste mo baneñ ba bone ke go ba golisetsa mo loratoñ loa Molimo le mo poifoñ ea one, yaka bana ba Molimo.

143. Choanelo ea gago mo gaeno ke eñ?

Choanelo ea me mo gaecho ke go rata Rre le Mme, le go ba tlotla le go ba utloa mo liloñ cotlhe tse li sa fapanañ le go rata ga Molimo, le go nna mafoko mo gq bonkgolole le bonnake.

144. (Choanelo ea gago o le mo sekoleñ ke eñ?)

Choanelo ea me ke le mo sekoleñ ke go utloa botichere le go ithuta ka tlhoafalo le go nna pelontle mo metshamekoñ.)

145. Choanelo ea gago o le moagi mo motseñ ke eñ?

Choanelo ea me ke le moagi mo motseñ ke go rata lefatshe yagaecho, le go le lirela ka boikanyo.

146. Choanelo ea gago o le Mokatoleki ke eñ?

Choanelo ea me ke le Mokatoleki ke go emela rure mo tumeloñ ea Kereke le go rata bagaecho le go

thusanya le balireli ba eone mo liloñ cotlhe tse li molemo.

147. Libe tse likgolo tse li senyañ lorato mo bakresteñ ke life?

Libe tse likgolo tse li senyañ lorato mo bakresteñ ke boikgogomoshole lethoo le khufano le maaka le bopelotshetlha.

148. Boikgogomoshole eñ?

Boikgogomoshole go ithata ka nosi, le go ikgolisa, le go itaola. Bo nkgogela go nyatseñ ba bañoe, le go rukutlhela Molimo le Kereke ea one.

149. Molemo o o kgatlhanoñ le boikgogomoshole ke ofe?

Molemo o o kgatlhanoñ le boikgogomoshole ke boikokobeco.

150. Lethoo ke eñ?

Lethoo ke sebe sa go ila ba bañoe ka bopelompe.

151. Molemo o o kgatlhanoñ le lethoo ke ofe?

Molemo o o kgatlhanoñ le lethoo ke lorato, lo eleñ go nnela botlhe mafoko le go ba ichoarella, le ba eleñ baba ba rona.

152. Khufano ke eñ?

Khufano ke sebe sa go gopola mashoe kaga batho ba ba re gaisañ ka linonofa le ka go tihogonolofala.

153. Khufano e tlotlheletsa motho go lira eñ?

Khufano e tlotlheletsa motho go buela ba bañoe boshula, le go aka le go seba.

154. Molemo o o kgatlhanoñ le khufano ke ofe?

Molemo o o kgatlhanon le khufano ke go lebogela Molimo molemo oa one mo go rona le go itumelela molemo oa ba bañoe.

155. Go aka ke eñ?

Go aka ke go tsietsa ba bañoe ka boomo, ka puo kgotsa ka tiro.

156. Molemo o o kgatlhanoñ le go aka ke ofe?

Molemo o o kgatlhanoñ le go aka ke go nna boamarure mo liloñ cotlhe.

157. Bopelotshetlha ke eñ?

Bopelotshetlha ke sebe sa go tthagafaleloa ke leruo ya lefatshe.

158. Bopelotshetlha bo tlhotlheletsa batho go lira eñ?

Bopelotshetlha bo tlhotlheletsa batho go ñobetsa le go ucoa le go patika bahumanegi.

159. Fa motho a ucoile señoë, o choanetse go lira yañ?

Fa motho a ucoile señoë, o choanetse go se bosa kgotsa go batla kagisanyo.

CHOANELO EA ME MO GO NNA KA NOSI

160. Choanelo ea gago e kgolo mo go oena ka oesi ke eñ?

Choanelo ea me e kgolo mo go nna ka nosi ke go ineela Molimo le go tshela yaka ñoana oa one.

161. Choanelo ea gago mo mmeliñ oa gago ke eñ?

Choanelo ea me mo mmeliñ oa me ke go o boloka ka tekanyo le ka boitsheko, le ka go nna ke lira ka tithoafalo.

162. A go ya le go noa go feta selekanyo ke sebe?

Go ya le go noa go feta selekanyo ke sebe.

163. Sebe sa go ya le go noa go feta selekanyo se tle se ise motho kae?

Sebe sa go ya le go noa go feta selekanyo se tle se ise motho mo botagoen̄.

164. Molemo o o kgatlhanoñ le sebe sa go feta selekanyo mo go yeñ le mo go noeñ ke ofe?

Molemo o o kgatlhanoñ le sebe sa go feta selekanyo mo go yeñ le mo go noeñ ke tekano.

165. A itshekologo mo mogopoloñ lefaele mo puoñ lefaele mo tiroñ ke sebe?

Itshekologo mo mogopoloñ lefaele mo puoñ lefaele mo tiroñ ke sebe.

166. Itshekologo e tle e ise motho kae?

Itshekologo e tle e ise motho mo pateloñ le mo boakeñ le mo libeñ tse liño e tsa mmele.

167. Molemo o o kgatlhanoñ le itshekologo ke ofe?

Molemo o o kgatlhanoñ le itshekologo ke boitsheko.

168. A bobolu mo mogopoloñ kgotsa mo mmeliñ ke sebe?

Bobolu mo mogopoloñ kgotsa mo mmeliñ ke sebe.

169. Molemo o o kgatlhanoñ le bobolu ke ofe?

Molemo o o kgatlhanoñ le bobolu ke tloafalo.

CHOLOFELO LE CHOARO

170. Cholofelo ke eñ?

Cholofelo ke neo ea Molimo e re ikanyañ mo go one ka eone gore o tla re naea choaro yanoñ le kgalalelo gara-morago.

171. Choaro ke eñ?

Choaro ke thata ea ga Yesu, e e agileñ mo go rona, e re e neoañ ka Mooa o o Boitshepho.

172. A choaro e batloa ke polokego ea rona?

Choaro e batloa ke polokego ea rona, gonne fa re sena naeo, ga re kake ra itse Molimo, lefaele go o rata, kgotsa go o lirela.

173. A re choanetse go thusanya le choaro ea Molimo?

Re choanetse go thusanya le choaro ea Molimo, re coelela-pele go isa bokhutloñ.

174. Re bona choaro ea Molimo yañ?

Re bona choaro ea Molimo bogolo ka go rapela ka tlhoafalo le ka lisakramente.

THAPELO

175. Go rapela ke eñ?

Go rapela ke go tthatlosetsa megopolo ea rona le lipelo koa Molimoñ.

176. Re choanetse go rapela ka ntlha eañ?

Re choanetse go rapela ka gonne Molimo Rara oa rona o rata gore re bue nao, le gore re reetse lencoe ya one.

177. Re choanetse go rapela yañ?

Re choanetse go rapela ka tshisimogo le ka kgo-balalo le ka bocoelelo-pele.

178. Lipaka tse likgolo tsa go rapela mo sephiriñ ke life?

Lipaka tse likgolo tsa go rapela mo sephiriñ ke ka mosho re coga, le maitsibooa re ese re robale.

179. A go molemo go rapela gantsi ka lipaka tse liño?

Go molemo go rapela gantsi ka lipaka tse liño, bogolo fa re raeloa.

180. Sekao sa thapelo eotlhe ea nnete ke sefe?

Sekao sa thapelo eotlhe ea nnete ke Thapelo ea Morena.

181. Thapelo ea Morena e bilelioañ yalo?

Thapelo ea Morena e bilioa yalo ka gonne re e rutiloe ke Morena oa rona.

182. Nkutloisa Thapelo ea Morena.

Rara oa rona eo o koa legolimoñ, Leina ya gago a le itshephisioe, Pusho ea gago a e tle, Go rata ga gago a go liroe, Mo lefatshiñ yaka koa legolimoñ. Re fe gompinyeno bogobe ya rona ya malatsi. 'Me o re ichoarele melato ea rona, Yaka le rona re ichoarella ba ba melato le rona. O se re gogele mo thaeloñ; 'Me o re golole mo boshuleñ.

Gonne sa gago e le pusho, Le thata, le kgalalelo,
Ka go sena bokhutlo. Amen.

183. A go na le lithapelo tse liñoe tse li molemo?

Go na le lithapelo tse liñoe tse li molemo, tse re choanetseñ go li ithuta ka tlhogo.

184. A go siame go rapela ka mancoe a rona ka rosi?

Go siame go rapela ka mancoe a rona ka rosi, yaka re le bana ba ba buañ le Rara oa rona oa legolimo.

185. A re ka rapela re sa bue ka molomo?

Re ka rapela re sa bue ka molomo, ka go gopola Molimo o o leñ gone le ka go reetsa lencoe ya one mo peluñ tsa rona.

186. Ere re rapela re choanetse go lira eñ?

Ere re rapela re choanetse go baka Molimo le go o leboga ; le go rapelela ba bañoe ; le go lopa tse re li tlhokelañ mmele le mooa.

187. Biblele e ka thusa merapelo ea rona yañ?

Biblele e ka thusa merapelo ea rona fa re bala seo señoë kaga Yesu Kreste ka malatsi otlhe, le go se tlhatlhanya le go ba re rapela kaga shone.

188. A bakreste ba choanetse go kopanela go rapela?

Bakreste ba choanetse go kopanela Merapelo ea Pontsheñ mo tluñ ea Molimo, le gone go ba siamisa go phuthegela thapelo ea sephiri mo matluñ a bone.

GO ITIMA LIYO LE GO NTSHA LIKACO

189. Lichoanelo tse peli tsa bokreste tse li eañ mmogo le thapelo ke life?

Lichoanelo tse peli tsa bokreste tse li eañ mmogo le thapelo ke go itima liyo le go ntsha likaco.

190. A Kereke e laola malatsi a boitatolo?

Kereke e laola malatsi a go itima liyo le malatsi a boithibo.*

** I. Kaelo ea Malatsi a go Itima liyo.*

Loaboraro oa Melora.

Loabotlhano moñoe le moñoe ka Lente.

Loabotlhano ka beke ea Embere mo kgoeliñ ea Loetse.

Tebelelo ea ga Antrese M.

II. Kaelo ea Malatsi a Boithibo.

Loabotlhano moñoe le moñoe oa ñoaga; faese Tsats ya Krestemas, le Epifani, le Loabotlhano morago ga Krestemas le Paseka le Tlhatlogo.

Malatsi a mashome a mane a Lente.

Tebelelo pele ga Pentekosta le pele ga Krestemas.

191. Malatsi a go itima liyo a choanetse go tshegelioa yañ?

Malatsi a go itima liyo a choanetse go tshegelioa ka go bisa go ya nama le ka go ñotla liyo.

192. Malatsi a boithibo a choanetse go tshegelioa yañ?

Malatsi a boithibo a choanetse go tshegelioa ka go ila nama, kgotsa ka mokgoa moñoe' oa boinelo.

193. Se bogolo se itimeloañ liyo le boithibo ke eñ?

Se bogolo se itimeloañ liyo le boithibo ke go katisa mebele ea rona, gore re tle re lirele Molimo le batho sentle.

194. Go ntsha likaco ke eñ?

Go ntsha likaco ke go abela Kereke mali a a le-banyoeñ ke litiro tse li molemo, le tiro ea go anamisa Efañgele.

195. Mokreste o choanetse go babalela Kereke yañ?

Mokreste o choanetse go babalela Kereke ka go ntsha likabelo le lithusho ka gale le ka pelochoeu.

LIPAKA TSA KEREKE

196. Meliro e megolo ea Kereke ka ñoaga le ñoaga ke efe?

Meliro e megolo ea Kereke ka ñoaga le ñoaga ke Krestemas le Epifani le Paseka le Tlhatlogo le Pentekosta le Teriniti.

197. Kereke e tshegeletsañ meliro e meñoe?

Kereke e tshegeletsa meliro e meñoe go gopola litiralo mo botsheloñ ya Morena oa rona le mo matsheloñ a Baitshephi ba gagoe.

198. Ka meliro ea Kereke choanelo ea rona e kgolo ke eñ?

Ka meliro ea Kereke choanelo ea rona e kgolo ke go leboga Molimo bogolo mo Eukaristeñ.

199. Lente ke eñ?

Lente ke lobaka lo lo masisi, lo Kereke e lo lomo-lolelang go re baakanyetsa go tshegetsa Paseka, gore re ikoatlhaee re be re itatole ka lone ; le gone go re gopotsa Morena oa rona, mo go itimeng liyo ga gagoe, le mo thaeloñ, le mo pogishoñ.

200. Atefente ke eñ?

Atefente ke lobaka lo lo masisi, lo Kereke e lo lomololelang go re baakanyetsa go tshegetsa Krestemas, le go re gopotsa go tla ga bofelo ga Morena oa rona ka ggalajelo.

LISAKRAMENTE

201. Sakramente ke eñ?

Sakramente ke lochoao lo lo koantle lo lo bonalañ loa choaro ea mooa e e koa teñ, e re e neoañ ke Kreste.

202. A lisakramente li naea choaro ka metlha?

Lisakramente li naea choaro ka metlha mo go ba ba li amogelañ ka choanelo.

203. Molimo o re naea choaro ka lichao tse li koantle ka ntlha eañ?

Molimo o re naea choaro ka lichao tse li koantle ka gonne, ere re na le meoa, ebile re na le mebele.

204. Lisakramente tse peli tse likgolo tsa Efañgele ke life?

Lisakramente tse peli tse likgolo tsa Efañgele ke Baptisho e e boitshepho, le Sakramente ea Mmele oa Morena oa rona le Mali a gagoe.

205. Lisakramente tse liñoë ke life?

Lisakramente tse liñoë ke tse : (1) Boikoatlhao (2) Tlhomamisho (3) Tloco (4) Nyalo (5) Maemo a a boitshepho.

BAPTISHO E E BOITSHEPHO

206. Baptisho e e boitshepho ke eñ?

Baptisho e e boitshepho ke sakramente e, Molimo o re tlhacoañ mo sebeñ ke Mooa o o Boitshepho ka eone ; le gone, o re kopanya le Kreste mo tloaelanoñ ea Kereke ea one.

207. Ka Baptisho re liroañ?

Ka Baptisho re liroa litokololo tsa ga Kreste le bana ba Molimo le bayaboshoa ya Bogosi ya legolimo.

208. Re itse yañ gore Baptisho e batloa ke polokego ea rona?

Re itse gore Baptisho e batloa ke polokego ea rona ka gonne Yesu o rile : "Fa motho a sa tsaloe ka metse le ka Mooa, ga a kake a tsena mo bogosiñ ya Molimo" (Yohane M. 3, 5).

209. Mokgoa oa Baptisho ke ofe?

Mokgoa oa Baptisho ke ka metse mo Ineñ ya Rara le ya Moroa le ya Mooa o o Boitshepho.

210. Motho o baptisioa ka metse ka ntlha eañ?

Motho o baptisioa ka metse go shupa gore ka Baptisho sebe sa mooa oa gagoe se tlhacoicoe.

211. Batho botlhe ba choanetse go baptisioa ka ntlha eañ?

Batho botlhe ba choanetse go baptisioa ka gonne ba tsecoe ka popego e e sekametsenñ sebe, ebile go batlega gore botlhe ba tsaleloe sesha mo boemoñ ya polokego.

212. Go batloañ mo bathuñ ba ba tlañ Baptishoñ?

Go batloa mo bathuñ ba ba tlañ Baptishoñ ikoatlhao le tumelo.

213. A mokreste o ka baptisioa loa bobeli?

Mokreste ga a kake a baptisioa loa bobeli gonne Baptisho e e boitshepho ke sakramente ea tsalo e ncha, e re tsaleloañ mo go ba ntlo ea Molimo ka eone.

214. Ba ba beecoeñ go baptisa e bomañ?

Ba ba beecoeñ go baptisa ke baprista ; 'me batiakone ba ka baptisa, moprista a seo.

215. Ba ba loalelañ go shoa ba ka baptisioa ke mañ?

Ba ba loalelañ go shoa ba ka baptisioa ke mokreste moñoe le moñoe oa monna kgotsa mosali, fela fa moprista kgotsa motiakone a seo.

216. Ikano ea ntlha e motho o e ikanañ mo Baptishoñ ke efe?

Ikano ea ntlha e motho o e ikanañ mo Baptishoñ ke gore o tla itatola lefatshe le nama le tiabolo.

(Bona 49-52.)

217. Ikano ea bobeli mo Baptishoñ ke efe?

Ikano ea bobeli mo Baptishoñ ke gore o tla lumela Tumelo eotlhe ea ga Krete.

218. Ikano ea boraro mo Baptishoñ ke efe?

Ikano ea boraro mo Baptishoñ ke gore o tla lira choanelo eotlhe ea gagoe mo Molimoñ le mo bathuñ.

219. Masea a baptisioa ka ntlha eañ?

Masea a baptisioa ka gonne go batlega gore a ne le choaro ea Molimo le boichoarelo ya one ; le gone Morena oa rona o itse : "Lesañ banyana ba tle mo go nna, 'me lo se ka loa ba itsa, gonne bogosi ya Molimo ke ya ba ba ntseñ yalo" (Mareko M. 10, 14).

220. Masea a ikaneloa yañ maikano a Baptisho?

Masea a ikaneloa maikano a Baptisho ka baemeli ba one.

221. Choanelo ea baemeli ke eñ?

Choanelo ea baemeli ke go ela-tlhoko gore bana ba ba ba emetseñ ba rutoe go tshegetsa maikano a Baptisho, le go ba tilanya le mekgoa e e mashoe eotlhe.

222. A ga o gopole gore o bofelelecoe go lumela kafa baemeli ba gago ba ne ba go ikanela ka gone, le go lira yalo?

Ee rure, le ka thusho ea Molimo ke tla lira yalo.

'Me ke leboga Rara oa rona oa legolimo ka pelo, ka gonne o mpilelitse bonno yo ya poloko, ka Yesu Kreste Mmoloki oa rona. 'Me ke rapela Molimo go nnaea choaro ea one, gore ke tle ke nne mo go yone go isa bokhutloñ ya botshelo ya me.

(Karabo e e ithutoe feia ke ba ba baptisicoeñ mo bonyaneñ.)

NYALO E E BOITSHEPHO

223. Nyalo e e boitshepho ke eñ?

Nyalo e e boitshepho ke sakramente e e itshephisañ kopano ea monna oa mokreste le mosali oa mokreste.

224. Mo Nyaloñ e e boitshepho Molimo o naea monna le mosali ba eleñ bakreste ba nnete choaro efe?

Mo Nyaloñ e e boitshepho Molimo o naea monna le mosali ba eleñ bakreste ba nnete choaro ea go nna mmogo ka boikanyo, le go golisetsa bana ba bone mo tumeloñ ea ga Kreste.

225. Mo Nyaloñ e e boitshepho monna le mosali ba ikana eñ?

Mo Nyaloñ e e boitshepho monna le mosali ba

ikana go ratana le go nna mmogo ka boikanyo go isa loshuñ.

226. A monna oa mokreste o ka tlhala mogatse le go nyala o sele?

Monna oa mokreste a se ka a tlhala mogatse le go nyala o sele. Yesu Krete o rile : “Lefaele mañmañ eo o tla tlhalañ mosali oa gagoe le go nyala o sele, o batela kaga gagoe” (Mareko M. 10, 11).

227. A mosali oa mokreste o ka tlogela mogatse le go nyaloa ke o sele ?

Mosali oa mokreste a se ka a tlogela mogatse le go nyaloa ke o sele. Yesu Krete o rile : “Fa mosali a ka tlhala monna oa gagoe, le go nyaloa ke o sele, oa bateloa” (Mareko M. 10, 12).

228. A mokreste o ka nyalana le mohaetane ?

Mokreste o ka nyalana le motho eo o sa baptisioañ, eo o eleng mokatekumena. Nyalano ea mokreste le mohaetane e letleleloa fela ke bishopo fa go tlhokega jalo.

229. A mosali oa motlholagali o ka nyaloa gape?

Mosali oa motlholagadi o ka nyaloa gape, 'me

eseng ke motho eo o ilioang nyalo ke melao ea Kereke.

230. A monna oa motlholagadi a ka nyaloa gape?

Monna oa motlholagadi o ka nyaloa gape, 'me eseng motho eo o ilioang nyalo ke melao ea Kereke.

231. A mosali oa mokreste o ka nyaloa lehufa ?

Mosali oa mokreste a se ka a nyaloa lehufa ka gone go rata ga Molimo e le gore monna a ne le mosali a le moñoe-fela.

232. Bakreste ba choanetse go emisioa yañ?

Bakreste ba choanetse go emisioa mo Kerekeñ kgotsa ba amogele tshegofaco ea Kereke fa ba setse ba nyalanye ka secoana.

Ba ba baptisicoeñ bonyaneñ ba choanetse gore ba ithute kgaolo ea ntlha le ea bobeli mmogo le kgaolo ea boraro.

KGAOLO EA BORARO

KAGA BA BA IPAAKANYETSAÑ

TLHOMAMISHO

BOIKOATLHAO

233. A ba ba baptisicoeñ ba tle ba leofe?

Ba ba baptisicoeñ ba tle ba leofe fa ba se tlhoko go latela Kreste, le fa ba tlhokomologa neo tsa gagoe tsa choaro.

234. Libe tse li nyeletsañ mooa oa mokreste ke life?

Libe tse li nyeletsañ mooa oa mokreste ke libe tse li kgolo tsa ka boomo.

235. Bokhutlo ya libe tse likgolo tsa ka boomo ke eñ?

Bokhutlo ya libe tse likgolo tsa ka boomo ke go kgaoganya meoa ea rona le Molimo, le go tla latlheloa mo moletsi oa molelo.

236. Morago ga Baptisho, bakreste ba ka ichoareloa libe ka sakramente efe?

Morago ga Baptisho, bakreste ba ka ichoareloa libe ka sakramente ea Boikoathhao, e eleñ Boipolelo le Kgololo.

237. O tlhaloganyañ ka Kgololo?

Ke tlhaloganya boichoarelo ya sebe ka Kgololo, le go gololoa mo molatuñ oa shone le mo thateñ ea shone ka Krete.

238. Ba ba nañ le thata ea go naea Kgololo e bomañ?

Ba ba nañ le thata ea go naea Kgololo ke baprista ba Kereke ea Molimo.

(Choantsha lipoco tse, 236-238, le lipoco 118-122.)

239. A baprista ba ka ichoarela libe ka thata ea bone ka bosì?

Baprista ga ba kake ba ichoarela libe ka thata ea bone ka bosì, faese ka Leina ya ga Krete eo o ba romileñ, a re: "Lefaele bomañ ba lo lebalelañ libe tsa bone, ba li lebalecoe: 'me lefaele bomañ ba lo tshegetsañ libe tsa bone, li tshegelicoe" (Yohane M. 20, 23).

(Ere fa Bishopo a baea Moprsta, a re : "Amogeia Mooa o o Boitshepho mo tireloñ ea Moprsta mo Kerekeñ ea Molimo, e e beoang mo go oena ka peo ea liatla tsa rona. Ba o ichoarellañ libe tsa bone, ba li ichoareloa ; le gone ba o 'tshegetsañ libe tsa bone, lia tshegelioa. 'Me o nne molebeleli eo o boikanyo oa Lefoko ya Molimo, le oa lisakramente tsa one tse li boitshepho ; Mo Ineñ ya Rara le ya Moroa le ya Mooa o o Boitshepho. Amen.")

240. Tiro e kgolo mo iketlelecoñ ea sakramente ea Boikoatlhao ke eñ?

Tiro e kgolo mo iketlelecoñ ea sakramente ea Boikoatlhao ke go hutsafalela libe tsa me rure le go ikaelela go li bakelela rure.

241. O ka bona yañ khutsafalo ea nnete kaga libe?

Nka bona khutsafalo ea nnete kaga libe ka go gopola lipogisho tsa ga Yesu Krete le ka go rapela Molimo gore o bope mo go nna pelo e e gogobegileñ.

242. O choanetse go shupa yañ fa o ikoatlaela rure mo libeñ tsa gago cotlhe?

Ke choanetse go shupa fa ke ikoatlaela rure mo

libeñ tsa me cotlhe, ka go li ipolela le ka go li bakela, le gone ka go siamisa botshelo ya me mo Molimoñ le mo bathuñ.

243. Ere fa o ipolela mo mopristeñ, a o choanetse go ipolela libe cotlhe tse o ka li gakologeloañ e sa le boipoleloñ yo bo fetileñ?

Ke choanetse go ipolela libe cotlhe tse nka li gakologeloañ e sa le boipoleloñ yo bo fetileñ, ka gone ke batla kgololo mo libeñ tsa me cotlhe.

244. A ke sebe se segolo go fitlha libe tsa gago ka boomo fa o ea boipoleloñ?

Ke sebe se segolo go fitlha libe tsa me ka boomo fa ke ea boipoleloñ. Go lira yalo go shupa go bisa go ikoatlhaea ga me ; 'me le gone ga ke bone boichoarelo.

245. Sekano sa boipolelo ke eñ?

Sekano sa boipolelo ke molao o o gagametsen o o itsañ moprista go itsise moñoe sepe sa se a se utloileñ mo boipoleloñ.

TLHOMAMISHO

246. Tlhomamisho ke eñ?

Tlhomamisho ke sakramente e e nonotshañ ba ba bapthisicoeñ.

247. Neo ea Molimo mo Tlhomamishoñ ke eñ?

Neo ea Molimo mo Tlhomamishoñ ke Mooa o o Boitshepho o o tlañ go aga mo mokresteñ go mo ruta le go mo itshephisa le go mo thatafatsa.

248. Ntlha e e koantle ea Tlhomamisho ke eñ?

Ntlha e e koantle ea Tlhomamisho ke peo ea liatla tsa bishopo mmogo le thapelo.

249. Tlhomamisho ea ntlha e e koaliloen mo Kerekeñ e ne ea liroa leñ?

Tlhomamisho ea ntlha e e koaliloen mo Kerekeñ, e ne ea liroa motlhañ go bo-Petrose le Yohane ba eañ go tlhomamisa ba-Samaria, ba ba ne ba baptisicoe ke Filepe M. motiakone (Litiralelo 8, 14-17).

250. Go batloañ mo go ba ba tlañ go tlhomamisoa?

Go batloa mo go ba ba tlañ go tlhomamisoa gore ba bo ba setse ba rutiloe lithuto tsa Kereke, le gore ba bo ba setse ba itshekisicoe mo peluñ ka go ichoarelloa libe tsa bone.

251. Morago ga Tlhomamisho mokreste o siamecoe ke letshego lefe ye legolo?

Morago ga Tlhomamisho mokreste o siamecoe ke letshego ye legolo ya go amogela Kominione e e boitshepho.

EUKARISTE E E BOITSHEPHO

252. Eukariste e e Boitshepho ke eñ?

Eukariste e e boitshepho ke sakramente ea Mmele oa ga Krete le Mali a gagoe.

253. "Eukariste" ke go reñ?

"Eukariste" ke go re Tebogo.

254. Sakramente ea Eukariste e bilelioañ yalo?

Sakramente ea Eukariste e bilioa yalo ka gone Krete ka esi a na a leboga, le ka gone e le segopoco se re lebogelañ setlhabelo sa ga Krete se se liriloañ mo Sefapanoñ ka shone.

255. Eukariste e e Boitshepho e bilioa ka maina a mañoef afe?

Eukariste e e boitshepho e bilioa Kominione e e boitshepho, le Selalelo sa Morena, le go Roba Bogobe, le Missa.

256. Morena oa rona o na a tlhoma Eukariste leñ?

Morena oa rona o na a tlhoma Eukariste ka bosigo yo bo pele ga papolo ea gagoe.

257. Morena oa rona o na a tlhoma Eukariste yañ?

Morena oa rona o na a tlhoma Eukariste ka mo-goa o : Eare a sena go leboga a tsaea bogobe, a bo tshegofatsa, a bo roba, a re : “Se ke Mmele oa me ;” a itse go tsaea senoelo sa beine, a se tshegofatsa, a re : “Se ke Mali a me” (Mareko M. 14, 22-24).

258. Mo Eukaristeñ ntlha e e koantle e re ka e bonañ ka matlho ke eñ?

Mo Eukaristeñ ntlha e e koantle e re ka e bonañ ka matlho ke bogobe le beine.

259. Mo Eukaristeñ ntlha e e koa teñ e re sa kakeñ ra e bona ka matlho ke eñ?

Mo Eukaristeñ ntlha e e koa teñ e re sa kakeñ ra e bona ka matlho ke Mmele oa ga Krete le Mali a gagoe.

260. Yesu Kreste o na a tlhoma Eukariste e e Boitshepho ka ntlha eañ?

Yesu Kreste o na a tlhoma Eukariste e e Boitshepho gore e tle e nne segopoco se se nnetseñ rure sa losho lo lo rategañ loa gagoe le sa pogisho ea gagoe, le gore e nne seo se o ka re otlañ ka Botshelo ya gagoe ka shone.

261. Mo Eukaristeñ e e boitshepho, Kereke e ntsha setlhabelo sefe?

Mo Eukaristeñ e e boitshepho, Kereke e ntshetsa Molimo Rara setlhabelo sa Moroaoe Yesu Kreste.

262. Matshego a bakreste ba a bonañ ka go otloa ka Mmele oa ga Kreste le Mali a gagoe ke afe?

Matshego a bakreste ba a bonañ ka go otloa ka Mmele oa ga Kreste le Mali a gagoe ke thatafalo ea meoa ea bone le nchafalo ea eone, le kagelelo ea botshelo ya bone mo sechoanoñ sa gagoe.

263. Mo go bone ba ba amogelañ Kominione e e boitshepho, a botlhe ba bona matshego a eone?

Mo go bone ba ba amogelañ Kominione e e boi-

tshepho, ga se botlhe ba ba bonañ matshego a eone, faese ba ba e amogelañ ka choanelo.

264. O choanetse go ipaakanyetsa go amogela Kominione e e boitshepho ka choanelo yañ?

Ke choanetse go ipaakanyetsa go amogela Kominione e e boitshepho ka choanelo ka go sekisa segakololi.

265. O choanetse go sekisa segakololi yañ?

Ke choanetse go sekisa segakololi go bona gore a ke ikoatlaetse libe tsa me rure, 'me ke ikaeletse go tshela botshelo yo bosha ; le gore a rure ke lumela mo go Yesu Krete yaka e le Mmoloki oa me, le gore a ke ratana le batho botlhe.

266. Fa o lemoga oa choenyega mo segakololiñ, o choanetse go lira eñ o ese o amogele Kominione e e boitshepho?

Fa ke choenyega mo segakololiñ, ke choanetse go ea mopristeñ go ipolela libe le go batla kgololo, ke ese ke amogele Kominione e e boitshepho.

267. Go tlhalogañoañ ka go itima liyo mo kamogeloñ ea Kominione?

Go itima liyo mo kamogeloñ ea Kominione, ke go ila liyo le lino mo tsatsifi ya Kominione, go tlo go tsamaee Sakramente e e boitshepho e amogeloe.

268. Go molemo go itima liyo re ese re amogele Kominione ka ntlha eañ?

Go molemo go itima liyo re ese re amogele Kominione ka gonne e le mokgoa oa Kereke oa bogologolo.

MAEMO A A BOITSHEPHO

269. Maemo a mararo a balireli mo Kerekeñ ke afe?

Maemo a mararo a balireli mo Kerekeñ ke Bobishopo le Baprista le Batiakone.

270. Monna o liroa Motiakone kgotsa Moprsta kgotsa Bishopo mo Kerekeñ yañ?

Monna o liroa Motiakone kgotsa Moprsta kgotsa Bishopo mo Kerekeñ ka go beoa liatla le ka go rapeleloa ga Bishopo, kgotsa ga Bobishopo, ba ba tloaelanañ le Kereke e e Katoleki ka botlalo.

271. Fa balireli ba beoa ka mokgoa o, ba amogela eñ?

Fa balireli ba beoa ka mokgoa o, ba amogela thata ea go lira choanelo tsa bone, le choaro ea go li lira sentle.

272. Lichoanelo tse likgolo tsa motiakone ke life?

Lichoanelo tse likgolo tsa motiakone ke go ruta le go rera, le go thusa moprista mo Eukaristeñ le mo litireloñ tse liño, le go lekola batho.

273. Lichoanelo tse likgolo tsa moprista ke life?

Lichoanelo tse likgolo tsa moprista ke go ruta le go rera le go baptisa le go itshephisa Eukariste le go golola mo libeñ le go tshegofatsa.

274. Lichoanelo tse likgolo tsa bishopo ke life?

Lichoanelo tse likgolo tsa bishopo ke go lira cotlhe tse moprista o nonofetseñ go li lira, le mo golimo ga tse go tlhomamisa le go baea balireli le go busa Kereke.

TLOCO E E BOITSHEPHO

275. A re choanetse go lumela fa thata ea ga Yesu Kreste e nonofile go folisa baboboli gompinyeno?

Re choanetse go lumela fa thata ea ga Yesu Kreste e nonofile go folisa baboboli gompinyeno.

276. Sakramente e Morena oa rona a lirang ka thata e ka eone e bilioañ?

Sakramente e bilioa Tloco e e boitshepho.

277. Boikaelelo ya Sakramente ea Tloco e e boitshepho ke eñ?

Boikaelelo ya Sakramente ea Tloco e e boitshepho ke go leretse mmele le mogopolo le mooa go fola mo nakoñ ea boloetse.

278. Tloco e e boitshepho e lireloa yañ?

Tloco e e boitshepho e lireloa ke bishopo kgotsa ke moprista, eo o tlotsañ mmobodi ka loukoane lo lo boitshepho, mmogo le thapelo (Yakobo M. 5, 14).

BOTSHELO YA IKGOLEGO

279. Pico ea mokreste ea ka gale ke eñ?

Pico ea mokreste ea ka gale ke go rata Molimo le go o lirela, mo boemoñ yoo ya botshelo yo Molimo o tla mmiletsañ mo go yone ; le gone, go rata moñoe ka ene yaka a ithata.

280. A bakreste bañoe ba bilicoe ke Molimo, e le ba tthaolegileñ, mo teñ ga Kereke, koa ntle ga Maemo a a boitshepho?

Bakreste bañoe, ba e leñ banna le basali, ba bilelicoe Botshelo ya Ikgolego.

281. Go batloañ mo go ba ba bilelicoeñ Botshelo ya Ikgolego?

Ba ba bilelicoeñ Botshelo ya Ikgolego ba ikana maikano a khumanego, le boitsheko, le kutlo, mo teñ ga Setlhopho sa Ikgolego.

282. A pico e, e tlotlegile segolo mo Kerekeñ?

Botshelo ya Ikgolego bo tlotlegile segolo mo Kerekeñ, ka gonne ke pico ea go etsa Morena oa rona Yesu Krete ka mokgoa o o tthaolegileñ.

MERAPELO

MERAPELO EA KA MOSHO

¶ Khubama o gopole gore Molimo ke Rrago eo o go ratañ eo o go lebeletseñ gore o bue nae.

MO INEÑ ya Rara le ya Moroa le ya Mooa o o Boitshepho. Amen.

MOLIMO oa me, kea lumela mo go oena, Rara le Moroa le Mooa o o Boitshepho. Kea lumela mo go oena, Rara, eo o ntirileñ. Kea lumela mo go oena, Yesu Krete, eo o nthekolotseñ. Kea lumela mo go oena, Mooa o o Boitshepho, eo o ntseñ o intshephisa. Molimo oa me, kea go obamela. Kea go rata ka gonne o nthatile pele. Kea go rata ka gonne o molemo, 'me ke eletsa go go lirela ka malatsi otlhe a botshelo ya me.

Ke go lebogela lorato loa gago lotlhe, 'me bogolo ka gonne o mpolokile mo bosigoñ yono, oa ba oa ntere mo tshimologoñ ea tsatsi ye leño.

Gompiyeno le ka metlha eotlhe o nkgolole mo boshuleñ yotlhe ya megopolo le ya lipuo le ya litiro. Thiba matlho a me, gore a se ka a leba sepe se se itshekologileñ, 'me o buse pelo ea me gore ke tle ke

eletse fela tse li kgatlhegan mo go oena. Kea itse fa ke le ñoana oa gago le motlhanka oa gago ; mpoloka gore ke nne ke nne mo loratoñ loa gago.

Nthusa gore ke rate batho botlhe ka ntlha ea gago. Gompiyeno o tshegofatse (rre) (le mme) (le bonkgolole le bonnake) (le mogatsake) (le bana ba me), 'me o ba babalele. Tshegofatsa bishopo oa rona le baprista le batiakone le baruti ba ba go lirelañ mo Kerekeñ ea gago. Folisa baboboli. Gomotsa ba ba mo choenyegoñ. Gogela mo boikoatlhaoñ ya nnete botlhe ba ba go leofelañ, 'me o re gorose rotlhe koa legaeñ ya rona legolimoñ ; ka ntlha ea ga Yesu Krete. Amen.

RARA oa rona. . .

¶ Yanoñ o rapele ka mafoko a gago ka oesi. Akanya tse o tla li lirañ gompiyeno le koa o tla eañ gone, 'me o rapele gore o tle o ineele Molimo mo liloñ eotlhe.

¶ Ere o sena go bua le Molimo o lilimale ka sebakanyana, gore o utloe lenceo ya one ye le buañ mo peluñ ea gago. Khubama ka tshisimogo e kgolo, o bululatse matlho, 'me o reetse Mooa o o Boitshepho fa o bua mo peluñ.

MMOLIMO Rara le Molimo Moroa le Molimo Mooa o o Boitshepho o ntshegofatse le go mpoloka le botlhe ba ke ba rapelelañ, gompiyeno le ka metlha eotlhe. Amen.

MERAPELO EA MAITSIBOOA

¶ Khubama o gopole fa o le fa pele ga Molimo.

MO INEN̄ ya Rara le ya Moroa le ya Mooa o o Boitshepho. Amen.

MOOA o o Boitshepho, a leseli ya gago le phatsime mo peluñ ea me gore ke gakologeloe libe tsa me cotlhe.

¶ Akanya koa o ileñ gone gompiyeno le tse o li buileñ le tse o li lirileñ. A o lirile merapelo ka mosho ? A o no o le bobolu ? A o lekile go leleka megopolo e e itsheko-logileñ ? A o galefetse eo moñoe ? A o sebile eo moñoe ? A o ithibile mo botagoen̄ le mo balekaneñ ba ba sa siamañ ? Ke gone a go buioe yana :

MOLIMO oa me, ke hutsafetse thata ka gonne ke leofile gantsi ka kgopolo le ka puo le ka tiro le ka go bisa go lira choanelo ea me gompiyeno. Nnaea choaro gore ke tle ke ikoatlhaee rure, 'me o mphemele mo sebeñ mo sigoñ yono. Molimo, o nkutloele botlhoko, o inchoarele libe tsa me cotlhe, 'me o nkise botsheloñ yo bo sa khutleñ. Amen.

MORENA, lekola legae ya rona, 'me o re femele mo liraiñ cotlhe tsa meoa e e boshula. A baeñgele ba gago ba ba boitshepho ba nne mo go yone go re boloka ka kagisho. A baitshephi ba gago ba re rapelele, 'me a tshegofaco ea gago e nnele rure mo go rona ; ka Yesu Krete Morena oa rona. Amen.

KE RAPELELA dotlhe ba ke ba ratañ, le botlhe ba ba mo kganecoñ ea go lira sebe bosigo yo. O tshegofatse botlhe ba ke choanetseñ go ba rapelela. A lecogo ya gago ya Rara le nne mo golimo ga bone : a Mooa o o Boitshepho o nne le bone, o ba gogele mo kicoñ ea lefoko ya gago le mo kutloñ ea yone, gore mo bofeloñ ba tle ba fitlhele botsheloñ yo bo sa khutleñ ; ka Yesu Krete Morena oa rona. Amen.

KA LEINA ya ga Yesu Krete eo o na a bapoloa, ke tla itatsa, ke robale. Ke neela mooa oa me mo atleñ sa gago ; o nthekolotse, Morena, Molimo oa boamarure.

AMEOA ea balumeli ba ba tsamaileñ, ka kutloelo-botlhoko ea Molimo, e itapolose ka kagisho. Morena, o ba nee tapologo e e nnetseñ rure : 'me a leseli ye le sa khutleñ le ba bonesetse.

MOLIMO Rara le Molimo Moroa le Molimo
Mooa o o Boitshepho o ntshegofatse le go
mpoloka le botlhe ba ke ba rapelelañ, mo sigofñ
yono le ka metlha eotlhe. Amen.

Ipolelo ea Tumelo

MOLIMO oa me, kea lumela mo go oena, Rara le
Moroa le Mooa o o Boitshepho, Boraro mo
Boñoe-feleñ. Molimo oa me, o nnee go tshela mo
tumeloñ e, ea boitshepho, le go shoa mo go eone.

Ipolelo ea Cholofelo

MOLIMO oa me, ke sholofela go bolokega ka
boichoarelo ya gago, le go nnela rure nao koa
legolimoñ. Molimo oa me, ke ikantse mo go oena ;
a ke se shoabisioe ka go sena bokhutlo.

Ipolelo ea Lorato

MOLIMO oa me, kea go r^áta ka gone o nthatile
pele, 'me ke eletsa go go rata ka pelo ea me
eotlhe.

Ipolelo ea Khutsafalo

MMOLIMO oa me, ke hutsafaletse libe tsa me ka
gonne ke go leofetse, oena eo o leñ molemo go
le kana-kana. O inchoarele ka ntlha ea ga Yesu,
'me ke tla leka gore ke se ka ka tlhola ke be ke go
leofela gape.

BOFELELO